



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Innocentius PP. VIII.

urn:nbn:de:hbz:466:1-13591

COLLEGIOR. PER BOIARIAM.

Dilectis filiis *Sigismundo de Fraunberg* Baroni in *Hage* & vitricis
sancti *Wolfgangi Frisingensis*: Dioc.

Hic: Balbanus.

Innocentius PP. VIII.

Venerabilis frater & dilecti filij salutem & Apostolicam benedictionē. Fui-
stis alias vos & quilibet vestrum in solidum iudices & commissarij auctori-
tate Apostolica super erigenda Præpositura in noua Ecclesia sancti *Wolfgangi*
Frisingen: Dioc. deputati, prout in ipsis litteris plenius continetur, quæ vt de-
bitè mandentur executioni, & vt ipsa erectio prout est ordinatum, bene & o-
portunè fiat, volumus ac vobis mandamus vt fructus, redditus, & proventus ac
elemosynas dictæ Præposituræ in illius dotem iuxta litterarum prædictarum
feriem, & non in alium vsum conuerti & exponi, aut ad alienas manus deueni-
re curetis & faciatis, contrariis non obstantibus quibuscunque. Datum *Romæ*
apud sanctum *Petrum* sub annulo piscatoris, die prima Septembris, M. CCCC.
LXXXVII. Pontificatus nostri anno tertio.

Innocentius PP. VIII.

Venerabilis frater salutem & apostolicam benedictionem. Mandauimus alias fra-
ternitati tuæ, vt elemosynas quæ pro dote Præposituræ erectæ in noua Eccle-
sia *S. Wolfgangi* tuæ dioc. per Christi fideles elargirentur nullo modo velles re-
trahere aut capere, sed in ipsam dotem conuerti permitteres iuxta ordinationē
& mandatum nostrum prout in alio breui nostro desuper edito plenius conti-
netur. Nuper autem accepimus fraternitatem tuam huic nostro breui non
acquiescere, ex eo quod in illo non fit mentio prioris breuis ad te etiam directi,
in quo te tanquam ordinarium hortamur velles perspicere & attendere, vt ele-
mosynæ quæ Ecclesiis tuæ Dioc. & maximè celebrioribus & magis deuotis
offerrentur bn. distribuerentur, & in bonos vsus sub excommunicationis pœ-
na conuerterentur. Quod si est ita causam legitimam non habes, cur breui pri-
ori non pareas. Ipse enim elemosynæ non possunt nisi in bonos vsus conuerti
si in dotem Præposituræ, prout est ordinatum à principio distribuuntur. Igi-
tur denuo fraternitati tuæ præsentium tenore expressè præcipiendo manda-
mus, quatenus dictam erectionem nullo pacto impedias, & de ipsis elemosy-
nis te non intromittas, sed illas prout in litteris erectionis fuit ordinatum, in
huiusmodi dotem conuerti omnino sinas. Contrariis non obstantibus qui-
buscunque. Datum *Romæ* apud sanctum *Petrum* sub annulo piscatoris, die
prima Septembris, Millesimo Quadringentesimo LXXXVII. Pontificatus no-
stri anno tertio.

Innocentius PP. VIII.

Venerabilis frater & dilecti filij salutem & apostolicam ben. Licet ex aliis li-
teris nostris in forma breuis ad vos coniunctim & diuisim directis, vobis sit
plena attributa facultas procedendi ad totalē executionem litterarum bonæ
memoriæ *Bartholomei de Maraschis* quondam Episcopi ciuitatis *Castelli*, tunc in.
Metrop. Salub. Tom. III